

+H

corpus: ReF.MLU

language-area: ostschwäbisch

language-region: westoberdeutsch

language-type: oberdeutsch

genre: F

medium: Druck

time: 16,1

reference: Seite, Zeile

corpus-signle: F145; IV-Bd-F1, D

text: Ain Kurtzer anzeyg, wie Do. Martin Luther ain zeyt hör hatt etliche schriften lassen auß geen, vom Sacrame[n]t, die doch stracks wider ainander, wie wirt dan[n] sein vnd seiner anhenger Rey ch bestehen

text-author: Eitelhans Langenmantel

text-type: KT (Kirchlich-theologisches Shcrifttum)

assignment_quality: -

hoffmann_wetter_nr: -

library: BSB München

library-shelfmark: 4 Polem. 1726

date: 1527

place: Augsburg

text-place: -

printer: Ulhart, Philipp d.Ä.

edition: -

size: -

language: fnhd

literature: -

notes-transcription:

abbr_ddd: LanLuth

extent: FnhdC: -; compl: komplett

extent-size: FnhdC: -; compl: 4.327 WF

@H

- F145-001r,01 Ain Kurtzer anzeyg/ wie Do. Martin Luther ain zeyt hör/ hatt etliche schriften lassen außgeen/ vom Sacramēt/ die doch stracks wider ain=
 F145-001r,02 ander/ wie wirt dan fein/ vnd feiner an=
 F145-001r,03 henger Rey ch bestehen. Matthei.12. Eytelhans Langenmantel. Eytelhans Langenmantel Wüncht
 allen Christlichen brüder/ die ware erkandnuß Gottes durch Jhesum Christū. IR lieben in Christō Je
 F145-001r,04 fu vnferm herren vnd feligmacher/ Jch hab ver
 F145-001r,05 ganger zeyt/ ain Kurtzen begryff lassen außgeen/ von den Alten vnd Newen Papisten/ Auch von den
 rechten vnd waren Christen. Auch ain verantwortung/ ainem etwan meinem vertrauten gefallen/ das genandt Sacrament
 vnd anders betreffend/ Vnd des willens gewesen/ nichts weytters vom Sacrament/ oder widergedächtnuß Chri=
 F145-001r,06 fti des Herren zū schreyben/ So wird ich verurfacht/ auß ettlichen vngefchickten geschrifften/ fo
 Doctor Mar=
 F145-001r,07 tin Luther yetz laßt außgeen/ darinnen er vnns frembde Götter vnnd Secten/ on grundt der schriften
 anzeygt/ vnd nit wie Christus oder Paulus/ Deren Tittel ist vom Sacrament wider die Schwörmer/ vnd anders/ Got der
 herr erleycht jn vnd feine anhenger/ dan das Rey ch Got
 F145-001r,08 tes muß gewalt leyden/ von denen/ die es vnderstond zū verfolgen é noch bleybt das wort Gottes
 ewig/ dann ee fein wort vergeen wirt/ ee wirt hymel vnd erden vergeen/ So aber fein wort mitt menschen leer oder
 findlein ver=
 F145-001r,09 felfcht wirt/ alßdann hayßt vnd ist es nitt meer Gottes wort/ befonder deren wort/ von wellichen es
 verkört/ Jch sprach gern/ Es wer des Teüffels wort/ dieweyl der ver=
 F145-001r,10 stand feins Göttlichen worts/ im Nachtmal/ von vilen fo gar verkört/ vnnd Gott dem herren fein Eer
 gestolen wirt é Geben auff den achtvndzwaintzigsten tag des Monets Januarij. Jm. M. D. XXVij. Jar. DERhalben fo
 mercket jr lieben brüder im herren/ den rechten war
 F145-001r,11 haften verstand/ des Herrē widergedächt
 F145-001r,12 nuß/ als nämlich/ da die stund des Herren kōmen ward/ fetzet er sich nyder/ vnnd die zwölff Apostel
 mit jm/ vnd er sprach/ Mich hathertzlich verlangt/ diß Osterlamb mit euch zū essen/ ee dan ich ley=
 F145-001r,13 de/ dan ich fage euch/ das ich hinfüro nit mer dauon essen wird/ biß daß erfüllt wirdt im rey ch

Gottes/ Vnd er nam den Kelch/ dancket vnd sprach/ Nempt denfelben vnd taylt jn vnder euch/ dan ich sage euch/ Jch wird nit trinck

F145-001v,01 en von dem gewächs des weynstocks/ biß das reych Got=

F145-001v,02 tes köme/ Vnd er nam das brot/ dancket vnd brachs/ vnd gabs jnen vnd sprach/ Das ist mein leyb/ der für euch ge=

F145-001v,03 ben wirt/ das thut zu meiner gedächtnuß/ Deßgleychen auch den Kelch/ nachdem sy zu abent geessen hetten/ vñ sprach/ Das ist der Kelch des new Testament in meinem blut/ das vergossen wirt. Diß ist der recht verstand deß Herren abentmals/ ee vñnd er dargeben/ gemartert/ vnd fein blut vergossen hatt. Derhalben laßt euch jr lieben im Herren/ des Luthers vñ feiner anhenger vñnütz geschwätz wie hernach volgen/ nit in ewere hertzen kömen/ jr werdē sonst wie die schaff die kainen hyrten haben/ vnd wirt der letst irrthumb erger dann der erst. Jr lieben im herren/ Jr hapt gehört/ wie obsteet/ das Christus klarlich spricht/ Das ist mein leyb/ der für euch geben wirt/ Er spricht aber nit/ das brot ist mein leyb ē Sein Brot hieß er sy essen/ vnd sprach weytter. Das ist der Kelch das newe Testament in meinem blut/ das vergof=

F145-001v,04 fen wirt. Er spricht aber nit/ der weyn im Kelch ist mein blut/ diß solt jr wol mercken ē Jr lieben im herren/ so jr dann berättig werdt/ des her=

F145-001v,05 re widergedächtnuß zu haltē mit warhaften Christen/ so thut es mit großer danckfagung vnd freuden/ wa jr zu

F145-001v,06 famenkompt/ nit allain in dem Tempel/ sonder auch hin vnd wider in den hewfern/ Nemlich/ wie es die Appostel auch im brot brechen gehalten haben ē Das solt jr aber thon/ So jr des Herren brot effet/ solt jr glauben/ der leyb Christi sey für euch dargeben/ vnd so jr des herren Kelch trinckt/ So solt jr glauben/ Christus Jesus habe fein blut für euch vñnd vil vergossen/ zu vergebung der sünden ē Jr effet nun oder trinckt/ oder was jr thut/ so thut alles zum preiß Gottes. Seyt on anstößig der gemain Gottes oder yemandt. Vnd so jr dan ainen follichen starcken glau

F145-001v,07 ben hapt/ wie oben gemelt/ so bleybt jr in Christo/ vñ Chri

F145-001v,08 stus in euch/ dan die feligkait fleet nit in leypliche flaisch essen/ vnd blut trincken/ wie Luther vñ fein hawff fagen/ besonder allain im glauben Christi des herren leyden/ vnd blutuegießen für vnser sünd am Creütz. Von difem laßt euch jr lieben brüder inn Christo/ des Luthers geschwätz nit verfören/ dann böß geschwätz/ verderbt gütt fitten. Paulus schreybt/ Jch habe es von dem Herren entpfan

F145-001v,09 gen/ das ich euch geben hab/ dann der Herr in der Nacht da er verratten ward/ Nam er das brot/ dancket vñnd brachs/ vnd sprach/ Nempt/ effet/ Das ist mein leyb/ der für euch brochen wirdt/ follichs thut zu meiner gedächtnuß=

F145-001v,10 nuß/ Deßgleychen auch den Kelch nach dem abentmal/ vnd sprach/ Difer Kelch ist ain new Testament in meinē blut/ follichs thut so oft jr trinckt/ zu meiner gedächtnuß dann so oft jr von difem brot effet/ vnd von difem Kelch trinckt/ solt jr des Herren tod verkündē/ biß dz er kompt. Wellicher nun vnwürdig von difem brot yßet/ oder von dem Kelch des herren trinckt/ der ist schuldig an dem leyb vnd blut des Herren. Der mensch brieue aber sich felbs/ vñ also esse er von dem brot/ vnd trincke von dem Kelch/ dan welcher vnwürdig yßet vnd trinckt/ der yßet vnd trinckt jm felbs das gericht/ damit das er nit vnderfchaydet den leyb vnd das blut des Herren ē Vnderfchayden/ das ist/ des Herren brot vñ Kelch/ nit als ain speiß des leybs halten/ dan diß essen vnd trincken geschicht/ wann wir von hertzen glauben/ vnd nit in dem maul/ Vnd das hayßt sich felbs brieuen/ die sich felbs/ vnd nit ander richten/ Vnd berayt fein/ im herren Creütz tra=

F145-001v,11 gen/ verfolgung leyden/ Gott den herren lieben/ vor allen vnd ob allen dingen/ vnd den nächsten als sich felbs/ Die

F145-001v,12 felben erfüllen das gantz gefatz/ auch die Propheten. Wer sich aber nitt also befindet/ wie anzeygt/ derfelb laßt des Herren widergedechtnuß wol vnderwegen/ offenlich mit rechtgeschaffen Christen zu halten/ biß das jm Gott fein hertz dermalins erleicht/ darüb bitte er Got fleißig ē Dann diß ist ain gayftlich essen vnd trincken/ daruon die feele gespeißt vnd getrenckt wirt/ Nämlich/ da Chri=

F145-001v,13 stus spricht/ Jch bin das lebendig brot/ das von hymmel kompt/ nit wie ewere vätter haben hymelbrot geessen in der wüste/ vnd feind gestorben/ Diß ist das brott des von hymel kompt/ Wer von difem brot essen wirt/ der wirt le=

F145-001v,14 ben in ewigkait/ Vnd das brot das ich gebē wird/ ist mein flayfch/ wellichs ich geben wird/ für das leben der welt. Da zanckten die Juden vñ sprachen/ Wie kan vns difer fein flayfch zu essen gebē/ Jesus sprach/ Warlich/ warlich werden jr nit essen vom flayfch des menschenfuns/ vñnd trincken von feinē blut/ so hapt jr kain leben in euch. Aber vil die das hortten/ sprachen/ Das ist ain hörte red/ wer kan sy hören/ Da sprach Christus der Herr zu jnen/ Ergert euch das/ wie/ wañ jr dan-fehen werdt des menschen fun auff faren/ dahin da er vor was/ Der gayft ifts der da le=

F145-001v,15 bendig macht/ das flayfch ist kain nütz/ die wort die ich red feind gayft vnd leben ē Verstand wie Christus Jesus allhie fein flaisch essen/ vnd fein blut trincken gar klarlich anzeygt/ wie es geessen vnd getruncken werden soll/ das ist/ wir werdē fein flaisch nit eüsserlich/ oder leyplich essen vnd fein blut trincken/ wie etlich glauben/ dann diß essen vnd trincken/ geschicht allain im hertzen/ das ist glauben wie vor anzeygt/ da er spricht/ Jch bin das lebendig brot/ das von hymel kompt ē Spricht weyter/ Wer an mich glaubt/ hatt das ewig leben. Derhalben/ alle die da glaubē/ das

der leyb Chrifti des Herren/ wesenlich im brot/ oder Hostie fey/ vnd der weyn das blüt Chrifti/ wesenlich im kelch/ dife hayßen vñ feind warlich alle widerChriften/ vnd felschen Christus Testa=

F145-001v,16 ment/ Solliche nempt nit zů hawß/ vnnd grűffet fy nitt/ dann wer fy grűffet/ der hat gemainshaft mit jren bůsen wercken/ dann es ist kain Gott/ dem Gotloß wesen gefall/ Jch sag vnnd ist gewyßlich war/ wellicher oder welliche glauben/ des herren leyb im brot/ vñ fein blüt im weyn c Dieselben glaubē warlich nit/ das Christus Jesus/ warer Got vnd mensch/ fey kōmen in das flaisch/ vnd habe fein blüt für vns vnd vil vergoffen/ zů vergebung der sűnden/ Sy glauben auch nit/ das er am dritten tag auferstandē vnd auffgefarn zů den hymlen/ vnd sitze zů der Rechten feyns hymelischen vatters/ von dannen er kűnfftig ist/ zů richten die leben vnnd die todten c Dann wa fy follichs glaubten/ so wurden fy warlich die ob angezaygten Sect in brot vnd weyn/ in kainen weg glauben/ des bin ich ge=

F145-001v,17 wyß/ Dann wir haben ye starcke stuck vnfers Christlichen glaubens/ wider fy/ wellichen glauben fy verleugnen/ vnd wissen/ wer nit glaubt/ ist verdampt Derhalben so solt jr die dañ von ainer gemainen ober=

F145-001v,18 kait erwölt fein/ zů follichen widerChriften geen/ vnnd fy freűntlich ermanen/ vnd straffen zwischen ewer vnd jnen allain/ fy feyen hoch oder nyder personen/ hören fy euch/ so hapt jr fy gewonnen/ hören fy euch nitt/ so nempt noch ainen oder zwen zů euch/ auff das alle sach bestehe/ auff zweyer oder dreyer zeűgen/ Nun hören fy euch nit/ so sagt es der gemain/ hören fy die gemain nit/ so haltē fy als die Hayden vnd Zolner c Jr erwōlten aber/ soltwissen/ vnd ist gewyßlich war/ So yemandt ain Bischoffāmt begert/ den geluſtet ains gűten wercks/ Es soll aber ain Bischoff vnstrāflich fein/ nur ains weybs man/ nűchtern/ zűchtig/ fyttig/ galtfrey/ leerhafftig/ Nit weynſichtig/ nit beyffig/ nit schendtlchs gewyns begyrig/ befondergelinde/ nit hādrig/ nitzānckig der feinem hawß wol vorſtee/ der gehorsame kinder habe/ mit aller redlichait. So aber yemañt feinem aygen hauß nit wayft vor zűſteen/ wie wirt er die gemain Gottes ver=

F145-001v,19 forgen. Nitt ain newling/ auff das er sich nitt auff blaß/ vnd dem leſtrer ins vrtayl falle. Er muß aber auch ain gű

F145-001v,20 te gezeűgknuß haben/ von denen/ die drauffen feind/ auff das er nit falle/ dem leſtrer in die schmach vnd ſtrick. Jr lieben im Herren/ wa wōllen wir aber ſollich finden wie droben gemelt. Ja/ wa fy frum gleret mānner wissen/ da haben fy kain rūw/ biß fy dieselben verfolgē/ von ainer ſtatt zů der andern/ damit jr thorhait werde offenbar. Jr liebē/ Jch radte euch trewlich/ bewaren ewer tāfchē wol vor ſollichen c Dañ gelt ist ain ſchalck/ vnd macht auch vil derſelbigen/ das dann layder gar an dem tag ligt/ wie der bawer an der ſonnen/ Gott der herr erleychte fy mitt feinen gnaden/ Amen. Damit ich aber weytter meldung thű/ vom Nachtmal Jefu Chrifti des herrē/ So hōrt vnd vernempt jr lieben im herren/ was Paulus ſchreybt/ der Kelch der benedeyung/ welchen wir benedeyen/ ist der nit die gemainſchaft des blűts Chrifti. Das brot das wir brechen/ Jft es nit die ge=

F145-001v,21 mainſchaft des leybs Chrifti/ dañ wir vil feind ain brot/ vñ ain leyb/ dieweyl wir all ains brots taylhaftig feind c Diß Capittel redt allain von ainer gemainſchaft des leybs vnd blűts Chrifti/ vnd nit weytter/ Paulus het wol kűnden ſchreybē/ Das brot das wir brechen/ Jft es nit der leyb Chrifti/ Vnd der Kelch den wir benedeyen/ ist er nit das blüt Chrifti/ Er ſchreybt aber klarlich allain von ai=

F145-001v,22 ner gemainſchaft des leybs vnd blűts Chrifti des herren. Das solt jr lieben brűder im herren wol faßen/ dann das Capittel ſtoß des Luthers vnnd feiner anhenger Secte(verſtand/ den leyb Chrifti im brot/ vñ fein blüt im kelch/ auch alle Meßen) zů boden/ Dieweil des herren brot vnnd Kelch/ allain ain gemainſchaft/ des herren leybs vnnd blűts ist/ vñ nichts anders/ wie droben klarlich anzaigt. Jch will euch aber lieben brűder nicht verhallten/ das vnnſere vātter feind all vnder der wolcken gewefen/ vnd feind all vnder Moſe getaufft/ mitt der wolcken/ vnnd mit dem mōr/ vnd haben all ainerlay gayftliche ſpeyß ge=

F145-001v,23 effen/ vnd haben all ainerlay gayftlichen tranck getrunck

F145-001v,24 en/ Sy trancken aber von dem gayftlichen felßen der her=

F145-001v,25 nach kam/ wellicher felß was Christus/ Das ist/ fy glaub=

F145-001v,26 ten an den kűnftigen Meßiā/ der noch nit geboren was c Gott der die Welt gemacht hatt/ vnd alles das darinn ist/ Seytmal er ain herr ist/ hymels vnd der erden/ wonet er nit in tempeln mit henden gemacht/ fein wirt auch nit von menschenhendē gepflegen/ als der yemands bedűrff Dieweyl er ſelbs yederman leben vnd atham allenthalbē gypt/ vnd wir Chriften fein allain der tempel Gotts/ vnd funft kain Creatur/ weder brot noch weyn. Es ſagen aber ettlich vnnſer verſchempt genshyrten/ auff offner Cantzel/ Wir ſōllen das brot/ des fy jrs gefal=

F145-001v,27 lens/ auff dem Altar vmbziehen/ Anbetten/ vnd alle Eer vnd reuerentz thűn/ die Gott dem herren zů gehōr/ zů be=

F145-001v,28 weyfen. Vrfach/ Wann die wort geſprochen werden/ Das ist mein leyb/ So fey Christus/ wie er am Creűtz gehangen im brot/ Vnd das brot fey nit mer brot/ befonder es fey ver

F145-001v,29 wandlet/ in den leyb Chrifti/ Vnd wañ fy den weyn bene=

F145-001v,30 deyen/ so fey der weyn verwandelt in das blüt Chrifti des herren. Es ist war/ brot vñ wein wirt verwandelt/ in dem leyb der menschen(alß ain leypliche ſpeyß vnnd tranck) vñ geet wider auß/ durch fein natűrlichē gang. Wee aber euch ſchriftgelerten vnd Pharifeer/ jr heuchler/ die jr das hymelreych zů ſchließen/ vor den menschen/ jr kōmen nitt hinein/ vnd die hinein wōllen/ laßen jr nitt hinein geen. Wee euch ſchriftgelerten vnd Pharifeer/ jr heuchler/ die jr der witwen hewfer freßet/ vnd wenden für lang gebet/ darumb werdē jr deſter mer verdammuß entpfahen. Vnd alſo haben fy vns das zyl verruckt/ vnd laßen noch nit ab/ Jft zů beforgē das durch ſollich verfüriſche falſche Sectē deren on

zal/ vil feelen zum Teufel gefaren/ Jch will gern gelogen haben é Glaub jnen lenger wer da wöll/ Es ift mir im hertzen layd/ das ich Got meinen herren fo lang mit meinem vn=
F145-001v,31 glauben gelefert hab/ Aber auß den gnaden Gottes/ ift es zum tayl vnwissend gefchehen. Aber Chriftus der herr/ hatt vns den vatter im gayft/ vnd in der wahrhait lernen anbetten/ vnd nitt brot oder weyn/ vnd sprach/ Wann jr betten/ fprecht/ Vatter vnfer der du bift in den hymlen é Chriftus fagt auch zum Teuffel/ Es fteet gefchriben/ Du folt Gott deinen herren anbetten/ vnd jm allain dienen/ wievil mer follen wir menfchen Gott dem herren dienen/ vnd jn allain anbetten/ Vnd funft kain bildtnuß oder Cre
F145-002r,01 atur/ weder in dem himel oben/ noch auff erden/ noch de=
F145-002r,02 ren ding kains in den waffern/ nicht anbette fy/ dann ich bin der herr dein Gott/ Darumb hütten euch jr lieben im herren/ wann fy fagen/ Syhe hye ift Chriftus/ oder da/ fo glaubts nit. O jr ellenden Pharifeer/ jr heuchler/ wie lang wölt jr blind/ vnd fürer der blinden fein. Jch hab gantzlich ver=
F145-002r,03 maint/ Doctor Martin Luther/ fampft feinem anhang/ folten noch glaubē wie vor/ vnd kains wegs abgetreten fein/ das ift/ wañ die wort/ Das ift mein leyb/ über ain ge
F145-002r,04 bachten brot gefprochen werdē/ das der leib Chrifti im brot wesenlich wår/ vnd das brot nichtsdefterweniger brot be
F145-002r,05 lyb/ Auch wañ fy ainen weyn in ainem drinckgefchirr be=
F145-002r,06 nedeytten/ das der weyn das wesenlich blüt Chrifti wår/ vnd der weyn nichtsdefterminder weyn belyb é So kompt der neue Bapft/ Martin Luther/ yetz mit newen gryffen herfür/ in ainer fchrifft/ wie in der vorred angezaygt/ der Tittel ift von dem Sacrament/ wider die Schwermer/ wie dann allweg fein brauch é Schreybt/ Chriftus der herr/ fey gantz mitt flayfch vnnd blüt/ in der gleubigen hertzen. Antwort/ lieber Luther/ du wayft das Paulus schreibt wir föllen des Herren todt verkündigen/ biß das er kompt Arm lewt werdt jr allwegen bey euch haben/ Mich aber hapt jr nit allwegen bey euch/ fpricht Chriftus der herr/ Wir glauben starck/ Chriftus der herr/ fitze zů der rechten feins hymelichen vatters/ von dannen er künfftig ift zů richten die leben vnd die todten. Weytter fchreybt Luther/ Jch predige das Euangeliū von Chrifto/ vnnd mit der leyplichen ftym/ bring ich dir Chriftum ins hertz. Antwort Derweyl wurden alle die felig/ die dich hört
F145-002r,07 ten Predigē/ des ich doch nit glaub. Jch fage dir lieber Lu
F145-002r,08 ther/ Es muß zůvor ettwas in vns fein/ das die leyplich eufferlich ftym/ inwendig annemen künd. Luther fetzt weytter/ Ja freylich follen wir des Herren todt verkündigen. Wir habens auch geprediget vil herrli=
F145-002r,09 cher dann fy. Antwort/ Diß laßt er aber auß(biß das er kompt) daß es dienet jm vnd feinem hauffen nit zů jrem glauben/ die
F145-002r,10 weyl fy erhalten wöllen/ den leyb Chrifti im brot/ vnd fein blüt im weyn é Weytter fetzt Luther/ wann wir es nitt von jm hetten/ wir folten wol gar nichts wiffen. Antwort/ Er vermaynt es verftand niemandts fchrifft
F145-002r,11 ten/ dann er allain/ gleychfam wir von jm/ vnd nitt von Gott gelert mußten werden. Luther fchreybt/ Wañ er ainem das Sacramēt rayche fo aygne er follichs dem fonderlich zů(der es nympt) vnd fchenck jm Chriftus leyb vnd blüt/ das er habe vergebung der fünden é Antwort/ Die vergebung der fünden/ fteet allain im glauben/ des leyden vnd blütuergieffens Jefu Chrifti/ am Creütz für vnnfer fünden/ vnd nit in deiner macht/ ainem oder mer Chriftus leyb vnd blüt zů fchencken. Luther fetzt weytter/ Wer nit glaub/ das der leyb vnd das blüt Chrifti/ im brot vnd weyn fey/ der fey ain kätzer. Antwort/ Ja wann es ain ftuck des Chriftlichen glau=
F145-002r,12 bens wer. So es aber kain ftuck vnfers glaubens ift/ fo ift es mir nit von nōtten zů glauben/ on klare fchriffen. Luther fchreybt/ das Waffer ift der Tauff/ vnnd in der Tauff ift der hailig gayft. Antwort/ Lieber Luther/ das Waffer ift allain ainzay
F145-002r,13 chen/ wie die befchneydung/ vnd macht den menfchen we
F145-002r,14 der frum noch felig. Chriftus fpricht/ mir ift aller gewalt geben/ im hymel vnd erden/ Darumb geet hin vnd lernen alle vólcker/ vnd Taufft fy im namen des vatters/ vnnd des Suns/ vnd des hailigen gayfts/ Vnd lernen fy halten alles das ich euch befohlen hab/ Vnd geet hin in alle welt vnd Prediget das Euangelium allen Creaturē/ vnd wer glaup vnd taufft wirt/ der wirt felig. Weytter fchreybt Luther/ in ainem Sermon/ den er zů Wittenberg geprediget hatt/ an dem Grōnen dornftag/ im TaufentFünffhundertvndzwayvndzwaintzigften jar. Vnd in dem bechluß fetzt er/ das ain Chriftmenfch fey hailig/ an feel vnd an leyb/ Es fey ain lay oder Pfaff/ ain man oder weyb/ vnd wer anderft fage/ der leftern den hailigen Tauff/ vnd Chriftus blüt/ auch des hailigen gay
F145-002r,15 ftes gnad. Antwort/ Lieber Luther/ du haft gantz wol vnd Recht dauon gefchriben/ Das aber dem fo fey/ zeüget Johannes vnd fpricht/ Er hatt jnen gewalt geben/ Sün Gottes zů werden/ denen die da glauben in feinen namen é Luther fetzt weytter/ in derfelben fchrifft/ Es feye Got meer an ainem Chriften/ dann an dem Sacrament gele=
F145-002r,16 gen/ wañ der menfch feye nit vmb des Sacraments wil=
F145-002r,17 len gemacht/ befonder/ das Sacramēt vmb des Chriften willen eingefetzt é Antwort/ mein lieber Luther/ dieweyl du daß frey be=
F145-002r,18 kenft/ das Gott dem herren/ mer an ainem chriften/ daß an dem Sacramaent gelegen/ Volgt/ das der leyb vnd das blüt Chrifti/ nit wesenlich in brot vnd weyn ift/ funft wer ain Chrift meer/ dann Chriftus wesenlich leyb vnd blüt/ das fey ferr. Mein Luther/ fürchftu nit Got der herr wer=

- F145-002r,19 de dich hertigklich straffen/ vmb das du noch für vnd für schreybt/ d^s leyb Chrifti fey im brot/ vñ fein blüt im wein é wañ ist deins trutzens gnüg/ schámeft du dich nit deiner widerwertigen schriftten/ Jch sage dir warlich/ die agt ist dem baum an die wurtzel gelegt é Luther schreybt/ der Auerrois/ der auch ain Chrift ge=
- F145-002r,20 wesen was/ fpottet der gleubigen/ die da glaupen/ jren Got leylich zú effen/ welches kain ander volck ye gethon hett é Antwort. Jch sage dir warlich lieber Luther/ es wer noch heüt zú tag kain wunder/ das man deren fpottet/ die glauben jren Gott leylich zú effen/ es beffert aber nit derhalben bleypt es wol vermitten é Lieber Doctor Martin Luther/ du vndersteest dich in deinen schriftten/ wie dann vor anzeygt/ vil groffer sachen zú erhalten/ wiewol on allen grund é Deren sich das al=
- F145-002r,21 te Babstumb/ zum tayl noch nye so gwaltig vnderstandé als du. Vrfach/ das alte Babstumb/ vnd seine anhenger haben nit gründtlich glaubt/ das Jhesu Chriftus sich mit disen worten/ Das ist mein leyb/ wesenlich vom hymel/ in ain gebachen brot bringen laß/ Vnd wañ man ainē weyn benedeye/ das Chriftus darüb alwegen fein blüt vergieß/ Nayn/ nayn/ nit also/ dann Chriftus ist ainmal geopf=
- F145-002r,22 fert/ ainmal gestorben/ wirt nit mer sterben/ oder leyden/ noch fein blüt vergießen/ Diß hat vielleycht das alte Bap
- F145-002r,23 ftumb/ nit so gründtlich gewiñt als du/ oder aber vergef=
- F145-002r,24 fen/ vnd hatt sich dennoch/ wiewol vnbillich/ in den tem
- F145-002r,25 pel/ an die statt Gottes gefetzt é Aber difer allerhailigest Münch Martin Luther/ ist vil gelerter/ weder das alte loblich Bapftumb ye gewesen ist. Vrfach/ Er hat in der schrift gefunden/ das Chriftus Jhesu vnser seligmacher/ táglich/ leylich hie auff erden im brot/ vnnd feyn blüt im weyn é Derhalben setzt sich Martin Luther/ in den himel an Chriftus statt/ vnd mit
- F145-002r,26 ten in den Tempel/ damit die statt Chrifti in dem hymel nit ód^s stand/ biß das Luther vnd fein hawff/ dem frumen Jhesu Chriftu wider erlauben hinauff zú faren/ da er vor was. Jch hoff aber zú Gott dem almechtigen/ Luthers vnd seiner anhenger Reych/ werde kain bestand haben. Doctor Martin Luther/ hat vergangner zeyt ain Ser=
- F145-002r,27 mon lassen außgeen/ vom Sacrament/ über das Euan=
- F145-002r,28 gelium Johannis.6.Mein flaisch ist ain rechte speyß é Vnd in dem neuen Testament/ auch Johan- nis.6.Setzt er in der gloß/ Diß capitel redt nitt vom Sacrament des brots vnd weyns/ befonder vom gaytlichen effen/ das ist glauben/ das Chriftus Got vnd mensch/ fein blüt für vns vergoffen hat/ an disen zwayen obanzaygten ortten/ hatt Martin Luther wol geschriben/ wer will der leße fy/ Aber yetzunder schreybt er denselben vnd andern seinen schrift=
- F145-002r,29 ten/ gantz vnd gar entgegen/ Gott der helffe auff feyner schwachhait. Darumb jr lieben im herrē/ befehdt wie vnformlich der Luther in seiner Postill von dem Sacrament schreybt/ gleych schier wie vor anzeygt/ vnnd flicht ains ins ander/ yetz ist der leyb Chrifti wesenlich im brot/ yetz ist der weyn das wesenlich blüt Chrifti/ dan ist es allain ain zaychen/ yetz muß es im glauben empfangen werden/ Jn summa/ er fetz so viel feltzamer glosen/ vnnd Exempel/ Es bedörfft ainer ain gantze küwhawt/ fy alle zú verantwortten/ fy reymen sich gleych/ darauff er fy zeucht/ wie hápfel inn ain sack/ fy feind nitt antwort wirdig/ Es steckt warlich noch ain pfarrer in jm/ Das dem so fey/ so will er die haim
- F145-002r,30 lich Beycht wider auffrichten/ dergleychen auch der Pa=
- F145-002r,31 pisten Meß/ er wirts aber wills Gott nit erhalten/ dann jr verfürische Sect ligt zú klar an dem tag/ Jch beforg er habe erfahren/ das Ducaten mer gelten dan Reynisch gul
- F145-002r,32 din. Jr lieben im herren/ hütten auch vor difem sawrtayg/ Pfey der schanden/ es ist nur vmb das gütt papir schad/ des er also verfedelt/ er bleypt gleych auff seinem glauben vnd schriftten/ wie ain beltz auff seinen Erblen/ wie oben klarlich gemelt. Mich kan nitt gnügfam verwunderen/ das die welt mit sehenden augen nit sehen/ vnd mit hören
- F145-002r,33 den oren nit hören/ Nämlich/ die zú Wittenberg/ der gróß
- F145-002r,34 fern in landen vnd Stetten/ muß man geschweygen/ vñ Chriftus vnd fryds willē(wie dan billich ist) dan schwey
- F145-002v,01 gen ist gütt/ aber redē ist noch besser/ Ja der jm recht thut/ Die gayster solt man wol probierē/ ob fy auß Gott wāren oder nitt/ Wee aber den menschen/ die ergernuß geben/ oder gestatten/ vnd verflucht fey/ der fein hoffnung in die menschen setzt. Jn summa/ so vnser widerpartey yetz nit weytter kün=
- F145-002v,02 den noch mügen/ so fagen fy/ wir wöllen dife zwayung vō Sacrament/ mit vnser vernunft vnd spitzfindigen kōpf=
- F145-002v,03 fen hinauß füren/ vnd Gott dem herren fein almechtig=
- F145-002v,04 kait verklainen é Antwort/ Wir verklainen Got fein almechtigkait nit aber Gott der herr macht nichts/ das wider sich felbs ist/ oder noch ainen Gott/ der jm gleych fey/ verstand/ der macher ist allwegen meer/ dann das gemacht. Vnd dieweyl wir layder so jämlich verfür worden feyn/ wie dann vilfeltig angezeygt/ vnd in der finsternuß so lang zeyt gewandelt/ wie dan am tag ligt/ Vnd so vns nun Gott der herr fein klars wort/ yetz zú den letften zeyt=
- F145-002v,05 ten/ so vāterlich mittaylt/ So laßt vns Got dem almāch
- F145-002v,06 tigen danckpar fein/ vnnd jn offentlich bekennen/ Er wirt vns sunst warlich auch nit bekennen/ es gelt gleych henck=
- F145-002v,07 en/ prennen/ oder kōpf abhawen/ ainmal vnd allwegen sollen wir Gott dem herren mer gehorsam feyn/ dann den menschen/ befonder wañ es vns an die buntremen geet é Jch beforg aber/ layder/ das noch vil schwacher/

die den alten Gottlofen brauch nitt leyhtlich ablegen werden/ Vrfach/ Er hat zů lang an jnen gewert/ Got der herr hel=
F145-002v,08 fe auff vnfern/ vnd jren schwachaiten Amen. Es ift vns warlich gantz recht gefchehen/ wer kan an=
F145-002v,09 derft fagen/ Vrfach/ das wir fo gar wenig achtung/ auff das klar lautter lebendig wort Gottes gehapt
haben/ zů lernen/ vnd nichts darnach gefragt. Ich will gern fehen wie wir vns an jhenem tag entschuldigen wöllē Es wirt
nit gnůg fein/ wann wir werden fagen/ vnferre hyrten ha=
F145-002v,10 ben vns alfo gewaydnet/ Nayn/ nayn/ nit alfo/ dann ain yeder wirt fein felbs laft tragen. Darumb jr
lieben im her=
F145-002v,11 ren/ laßt vns Gott den Almechtigen trewlich vnd fleyf
F145-002v,12 fig bitten/ vmb vergebung vnfer fünden/ vnd vmb ainen ftarcken veltē glauben/ feynem wort/ So
werd wir felig hie vnd dort/ dann dartzů ift auch den todten das Euan=